

ნიშადურნი



№ 36

ქოველკვირული ჟურნალი

№ 36

წლიურ ხელის მომწერთ სააღდგომოდ მიუვათ:

- ყველა გამოსული № №-ბი წამვანდელი და წარსული წლისა.
- ილია ჭავჭავაძის დიდი სურათი (ლიტოგრაფიულად ბრისტოლის ქალაქში) დაბეჭდილი
- „ნიშადურის“ კრებული (პირველი და მეორე წიგნი). | წლიური ფასი 5 მან.



ილიასებური

* *

ტყემ მოისხა ფოთოლი
და აყვავდა ბუნება!..
ხოლო ჩვენ კვლავ გვეტყობა
სულით დაძაბუნება!

როცა ჭყვივის მერცხალი,
ვაზი ობოლი ტირის,—
ჩვენ კიდე მონები ვართ
შავის დღისა და ჭირის!

როდის უნდა მოვიკლოთ
დაუშრეტი წყურვილი?..
ნეტა როდის ახდება
მგოსნის ნატვრა, სურვილი?—

როდის გამოიღვიძებს
ბეჩავი და ჩაგრული?
ან როდის აყვავდება
საყვარელი მამული!?.

თომა პუსა.

ლიალი საკითხი

ყველა, ვინც დღევანდელი დროის ვითარებას დინჯათ დაუკვირდება, იგრძნობს, რომ კაცობრიობის წინაშე ამ ჟამად დიდებული საკითხია დაყენებული. მიწის საკუთრების მოსპობა, დედამიწის განთავისუფლება. წარსულ ჟამთა მსვლელობამ მოსპობირადი, ცხადი მონობა, ადამიანისაგან ნათლად ადამიანის დაჩაგვრა, მოყვასის თავის საკუთრებად მიჩნევა და თავის სურვილისამებრ გამოყენება. დარჩა მონობა ფარული, თვალთათვის უჩინარი, გონებისათვის კი ცხადზე უცხადესი— მონობა სიმდიდრის შემწეობით, მონობა ყველაზე უწინარეს მიწის საკუთრების საშუალებით, რადგან ყველა სიმდიდრეთა წყარო მხოლოდ დედამიწაა და სხვა არაფერი. ამიტომ დედამიწის განთავისუფლება, მიწის საკუთრების მოსპობა— ამ ფარული მონობის მოსპობას უდრის, მოასწავებს უკვე ნამდვილ განთავისუფლებას მუშა კაცისას მონობის ჯაჭვისაგან, და არა ცალი ფეხისა ან ხელისა განთავისუფლებას, რომელსაც პირადი მონობის მოსპობა უდრიდა.

დღეს სხვა და სხვა მოძღვრებანია გადაშლილი ჩვენ თვალთა წინაშე. სახელმწიფო სოციალიზმი ჰქადაგებს მთელი კაცობრიობის შეკვრას ისეთი წყობილებით, ისეთი სისტემით, რომელიც ხალხის შემოქმედებით ძალას, საწარმოვო შეძლებას წინდაწინ განსაზღვრულ კალაპოტში ჩააყენებს, სადაცხალხის წარმომადგენლები თავის მზრუნველობას დაუმორჩილებენ წარმოების თვითეულ დარგს, რათა შრომის ნაყოფი თანასწორად განაწილდეს მშრომელთა შორის.

სახელმწიფო სოციალიზმის წადილი მატერიალისტური, გარეგნული და უსიცოცხლო ხასიათისაა. ამ მოძღვრების ფილოსოფიას ადამიანი პირობების მონად, იმის პიროვნება— ამ პირობების შემოქმედებად მიაჩნია. მდაბიურად რომ ვსთქვათ, ადამიანი იმის თვალში ისეთი ქოთანია, რომელსაც ცხოვრების ისტორიული მდინარება, ეს დახელოვნებული მექოთნე, საითაც სურს— იქით გამოაბამს ყურს. ამიტომაც გარეგნული სოციალისტური წყობილება, გარეგნული საშუალება კაცთა შორის თანასწორობის დასამკვიდრებლად, ამ მოძღვრების შინაგან რეფორმების ერთად ერთ გზად და ხილად მიაჩნია. სახელმწიფო სისტემა, სახელმწიფო სოციალისტების თვალში, მაშინ შეასრულებს თავის დანიშნულებას, როცა იგი უმცირესობის ხელში კი არ იქნება, როგორადაც ამას დღეს ვხედავთ, არამედ უმრავლესობას, ხალხის ხელში გადავა. ამიტომაც სახელმწიფო სოციალისტების უმთავრესი

წადილია თან-და-თან ქვეყნის მართლმადიდებელი კანონმდებლობა ხალხის წარმომადგენლების ხელში, თან-და-თან მთელი სახელმწიფო სისტემას დაებატრონონ ხალხის საბედნიეროდა და საკეთილდღეოთ.

ამ მოძღვრების უდიდესი ნაკლი იმაში გამოიხატება, რომ იგი არ არკვევს მუშა ხალხის მონობის უმთავრეს მიზეზს, მიწის საკუთრებას, რომ იგი დომხალივით ურევს ერთმანეთში დიდი და მცირე ყურადღების ღირს საკითხებს, ერთ ფარგალში ამწყვედევს ისეთ საგნებს, რომელთაც განსხვავებული, სხვა-და-სხვა ზომისა და ღირსების ყურადღება სჭირია. იმას ნიშანში აღებული აქვს ცხოვრებისა და წარმოების ყველა დარგი, ყველა თავის მზრუნველობას უნდა დაუმორჩილოს და თვალი იმდენად არ უქრის, რომ გაარჩიოს, თუ სად არის თავ-მოყრილი მტრის უმთავრესი ძალა, რომელი დაწესებულება წარმოადგენს მონობის უმთავრეს წყაროს, სად არის ის უმთავრესი ციხე, რომლის აღება მტრის სასესებით დამარცხებას ჰნიშნავს.

ამ მოძღვრებას მიწის საკუთრება მთელი მონობის წყაროდ, მტრის ძალების უმთავრეს ციხედ არ მიაჩნია, ამიტომ იმისი ღირსება ფუჭი და წარმატალია. იგი ადამიანის მოქმედების ძალას ჰფანტავს უზბრალოდა და უშედეგოდ და მოგვაგონებს იმ უსუსურ ბავშვს, რომელმაც საგნების გამადიდებელი მინა აიღო, უხერხულად ატრიალებდა ხელში და უკვირდა. რომ მინა ცეცხლს არ აჩენდა. ბოლოს თავის გონიერ აღმზრდელს მიმართა, რომელმაც ასწავლა, როგორ უნდა დაეკავებია მინა მზის შუქზე, რათა ამ მინას მზის სხივები შეეკრიბნა, ერთ წერტილზე შეეჯგუფებია და სასურველ ადგილას ცეცხლი გაეჩალებია.

საზოგადოებრივ აზრსაც მხოლოდ ის გონიერი მოძღვრებანი გაუწევენ ერთგულ სამსახურს, რომელნიც საზოგადოების ყურადღებას შეკვრებენ და მონობას იმ უმთავრეს წყაროზე დაამყარებენ, რომლის შედეგია მონობის ყველა დანარჩენი ფორმა.

ერთი სიტყვით, დღევანდელი დღე ნათლად გვიჩვენებს, რომ ყველგან გლვიძებული ძლიერი წადილი მიწის საკითხის ძიება-კვლევისა უმთავრესი დიადი რეფორმის წინამორბედი.

ვერც ერთი მოძღვრება დღეს ვერ დაგვიხატავს იმ წყობილებას, რომელიც მიწის საკუთრების მოსპობას მოჰყვება, რადგან ეს რეფორმა კაცობრიობის უდიდესი სწეულების ძირინ-ფესვიანად აღმოუხვრას უდრის და წინდაწინ წარმოუდგენელია ცხოვრების რა გვარ ფორმებს უშიშრუშავებს ამ ხანგრძლივი სენისაგან განთავისუფლებული კაცობრიობა.

მ ო ლ ე ქ ს ე

ვინ არა სწერს ჩვენში ლექსებს?
 ვის არ უნდა მოლექსობა?!
 მაგრამ ლექსი, რა ლექსია,
 თუ რომ გულის არ დაესობა?
 ლექსს აქვს თავის კანონები
 და თავისი საიდუმლო,
 იმას კაცი ვერ მისწვდება,
 ღორ-მუცელა და უგულო!
 მაგრამ ჩვენში ეს არ ესმით,
 მიაჩნიათ საადვილოდ.
 ქართულს ლექვენ... ნაცობრობენ
 უენოთა და უკბილოდ.
 გადაჰკვეცენ თავს და ბთლოს,
 აამღვრევენ წმინდა-ქართულს.
 „აბდა უბდა გადასკუბდა“.
 ყვაფი ჰბაძაფს ვითომ ბუღბუღს...
 ახლანდელი მოძრაობა
 ვერ ირჯება პატიოსნად,
 ეშმაკი და კუდიანი,
 რომ გამოჰყავს ვითომ მგოსნად.
 თუ არ რამე საეშმაკოს
 სხვას ეშმაკი რაღას აქებს?
 სადაც ნახავს უწმინდურსა
 გაისწორებს კუდას და რქებს,
 მოსატყუარ—სათვალთმაქცოდ
 ხელს მოავლებს წმინდა ჩანგსა,
 მაგრამ მისი ნამღერალი,
 გულზე მოსდებს ყველას ჯანგსა.
 ვინ მგოსანი? ვინ ეშმაკი?
 სად ვერცხლი? და ან სად ტყვია?
 მაგრამ ჯერ ეს უბრალოც კი,
 ჩვენში ზოგს არ შეუტყვია!..

აკაკი.

პეტერბურგი.
 მარტი.

ხეობელის პასუხი

ჩემ აქ არ ყოფნის დროს გაზ. „დასაწყისში“
 დაისტამბა ვიღაცა ქალის ბ-ძის ორი წერილი,
 რომლებიც ჩემი წერილების გამო „სოციალ-დემო-
 კრატია სოფლად“ ის მიწვევს სამედიატორო სამარ-
 თალში. არას ვიტყვი იმ ლანძღვა-გინების შესახებ,
 რომლითაც აქრელებულია ეს წერილები, არას ვიტ-
 ყვი აგრეთვე იმის შესახებ, თუ რამდენად საკად-
 რისია ადამიანისთვის სხვისი სინიდისის უსინიდი-
 სოდ შეხება და წეწვა-გლეჯა, მხოლოდ მინდა
 ვუპასუხო ქ-ნს ბ-ძისას და იმათ, ვინც მას ზურგს

უკან ამოფარებია, რომ მე ბ—ძისთან სამედიატო-
 რო სამართალში არ გავალ, რადგან ვინც ჩემი და
 ბ—ძის წერილები წაიკითხა, ის კარგად დაინახა-
 და, რომ ჩვენ შორის არავითარი დავა არ ატე-
 ხილა და გამოსარკვევიც არაფერია. ეს ერთი.
 მეორეც—ჩემს წერილებში ამ გვარი ფაქტები ასო-
 ბით დაითვლება და ასმა კაცმა ცალ-ცალკე თუ
 გამომიწვია სამართალში, ამას არც დასასრული
 ექმნება და მედნატორების ძებნა, გარდატფილისი-
 სა, სხვა ქალაქებშიაც დაგვჭირდება. მე ჩემი წერი-
 ლები მოვნათლე საერთო სახელით „სოციალ-დე-
 მოკრატია სოფლად“ თუ პარტია თავის თავს შეუ-
 რაცხყოფილად სთვლის, დაე პარტიამ გამომიწვი-
 ოს სამედიატორო სამართალში და ამ გვარად კე-
 რძო პირებსაც, ქ-ნი ბ—ძისთანებს, რომლებიც კი
 ჩემს წერილებში თავიანთ თავს იცნობენ, როგორც
 სარკემი, შეძლება მიეცემათ, წარდგენ ამ სასამა-
 რთლოს წინაშე და თავის გამართლებით და წამო-
 ყენებულ ბრალდებებით ჩემს გასამართლებას ხელი
 შეუწყონ.

ამ ჩემს წერილის შემდეგ რაც გინდა იღანძღონ,
 რაც გინდ იმუქრონ კერძო პირებს მე პასუხს არ გავ-
 ცემ, რადგან ვგონებ, რომ ამ ჩემმა წინადადებამ ყვე-
 ლა უნდა დააკმაყოფილოს, თუ კი საქმეს სარჩულად
 გულ-წრფელობა უდევს და არა სხვა დაბალი ხა-
 რისხის გრძნობანი.


ხეობელი.

გ ა ზ ა ფ ხ უ ლ ი

აგერ, ვხედავ იმოსება
 მრავალ ფერად მთა და ველი;
 ირგვლივ ყველა აფრთოვანდა,
 გადეყარათ გულს ნალველი!
 ლაქვარდი ცა მოხდენილად
 ელიმება არე-მარეს;
 ფრინველებიც ტკბილ სიმღერას
 უგალობენ მშობელ მხარეს.
 დილის ნამი ბუჩქში იას
 ეპკურება სიამითა;
 ცივი წყაროც გვერდს ჩაურბის
 ჩუნჩუნით და ჩხრიალითა!
 ვიშ, ამ დილით რაოდენი
 ნეტარება იგრძნო გულმა;
 აწ ჩაგრულებს სიხარული
 მოგვივლინა გაზაფხულმა!..

ა. შ—ლი.





ომის მოლოდინში




პროლეტარი. თუ დაიწყო... ტყავს აგვაძრობენ!..
ბიუროკრატი. თუ დაიწყო... მოვიგებთ!
ბურჟუა. თუ დაიწყო... ავაძრობთ!..

ცრუ ბელადებს

შორს ხალხისგან, ვერაგებო,
ხელი უშვით წმინდა საქმეს,
თქვენა გსურთ, რომ ის შესწიროთ
თქვენს განცხრომას, თქვენს სიამეს!
ის არ მოგცემთ ამის ნებას.
არც თუ ისე ლაჩარია,
და სარგებლობთ მხოლოდ იმით,
რომ აწმყოში ავდარია!
ხელი უშვით ხალხის დროშას,
ნუ სცხებთ ჩირქსა და ნუ მწიკვლავთ,
თქვენს ქვებუდან გრძნობა სურვილს.
ვერა, ვერა, ვერ მოიკლამთ!
იუდანო, კარგადა სჩანს
თქვენი შუბლი, თქვენი მკლავი,
ის ძმათ სისხლით ნაღებია,
მსხვერპლს არა აქვს სათვალავი!
იუდანო, კარგადა სჩანს
თქვენი ენა, თქვენი გული,
ორივენი ფარისევლის
ქურქში არის გახვეული!
ვერაგებო გულით, გრძნობით,
ვერ გაჰყიდით ტანჯულ ხალხსა,,
ის შესაფერ მსჯავრს მიუძღვნის,
თქვენს ნათესს და თქვენს ნახნავსა!

მაშ, შორს მისგან, ჩამოდექი
მიყუჩდით და მიეფარეთ,
თორემ თავის მტერთან ერთად
თქვენც კი მწარედ შეგანანებთ!
პირზე არის გაზაფხული,
არ მომკვდარა ხალხი-გმირი,
და ბრძოლისა ქარიშხალში
ისმის მისი მოძახილი!

ი. ევლოშვილი.



„ეს-დეკის“ უდიდლო გოგრა.

პირველი სიტყვა!..

დიდი, დიდი ხანია არსებობს სამყარო. ხა-
ლხმა და ისტორიამ არ იცის მისი დასაწყისი...
მრავალი წლები და საუკუნოებია განვლილი.
საღმრთო წერილი გვასწავლის, გვითითებს
პირვანდელ ადამიანზე. გაჩნდა პირველი ადამიანი
და წარმოიტქვა პირველი სიტყვა!..
დიდი, დიდი ხანია მას აქვთ, რაც ახლად მო-
ვლენილი ადამიანის ბ.გე, ზემთენილ და თანდა-
ყოლილ გონიერების მეოხებით გაიზნა და წარ-
მოსთქვა პირველი ადამიანური სიტყვა!.. მდიდარ
და შემკულ ბუნების „წიაღსა შინა“ გაჩნდა კაცი-
ადამიანი! რამ გააჩინა, რამ შექმნა იგი? საიდან
მოველინა ამ წუთისოფელს? რის ნაყოფია? რამ
წარმოშვა?..
...მდიდარი და თვალწარმტაცია ბუნება! ფარ-
თე და გაშლილი მინდვრებით, აბობოქრებულ
ზღვებით, თვალაუწვდენელ მთებით და კლდეებით
არის გავსილი მთელი მისი სივრცე... და აი აქ,
ამ უზარმაზარ მთებს და სალ-კლდეთა შორის...
ამ გაშლილ სივრცეში,—ჰორიზონტიდან თუ ქვეს-
კნელიდან... გაჩნდა პატარა სულიერი არსება!..
რა იყო იგი სამყაროსთან შედარებით? რას



უცხოეთის გამოჩენილი მწერლები


(გარდაცვალებიდან 5 წლის ბამო)

ეროვნული
ბიბლიოთეკა



მაგრ იოკაი

უნბრეთის შესანიშნავი მწერალი—ბელეტრისტი.
(† 3 აპრილი 1904 წ.).



სამუილ სმაილს

ინგლისის გამოჩენილი მწერალი—მეცნიერი
(† 4 აპრილს 1904 წ.).

წარმოადგენდა იგი იმ იალბუზთან, რომლის შეხედვაც კი ემძიმებოდა?! იგი იყო პატარა... სუსტი... მაგრამ იმავე დროს ძლიერი და სულიერი... გაისმა ხმა... აღმოსკდა მისი გულიდან უნებლიე ნოტა, რომელიც შეუერთდა, გაიბნა სივრცეში... და წარმოითქვა სიტყვა!..

იგი დადის, ხედავს, ყნოსავს, ესმის, მსჯელობს, აზრობს... არჩევს ყველაფერს... იგი მოძრაობს. . მას ამოძრავებს ძალა იდუმალი, თვალთუხილავი...—და ეს ძალა არის,—გონიერება.

...პირველი ადამიანი!.. გონიერება!.. პირველი სიტყვა!..

„მთელი ეს ქვეყანა, მთელი სამყარო შენია... შენ სამფლობელოდ ჩასთვალე... იცხოვრე, იაზრე. იზრომე... განვითარდი,—და განავითარე... საშუალებად იხმარე გონება, სიტყვა, აზრი... შეებრძოლე უმსგავსოებას, ბოროტებას, დაჰგმე, დასძლიე იგი...“

აღადგინე და გაამეფე ქვეყნად—სიკეთე, კმაყოფილება, კეთილდღეობა!.. აგერ გზა, აგერ ასპარეზი!.. წინ წანიმძღვარე სიტყვა და აზრი... დაჰგმე და სძლიე დაბრკოლებანი... მრავალი ბოროტება შეგხვდება წინ! მაგრამ მაინც მედგრად ეძიე ცხოვრება, ცხოვრება სამართლიანი და ჭეშმარიტი, ცხოვრება თავისუფალი! იგი შენ წინ არის!..“

...ასეთი იყო ხმა, რომელიც მოესმა პირველ ადამიანს, და რომელიც დასაბამიდანვე, მის მომავალ ცხოვრების გეგმადვე გარდაიქცა...

...ასეთი იყო პირველი სიტყვა!... ასეთი ფორმა მიიღო მან!..

გავიდა მრავალი ჟამი, მრავალი წლები და საუკუნოები. გამრავლდა ხალხი. ერთი სიტყვის, ერთი გონიერების და აზრის მაგიერ მრავალი მოველინა სამყაროს.

განვითარდა,—გაფართოვდა სიტყვა... თვით ბუნებაც შეიცვალა. „ადამისგან“ დაწყებული ცხოვრება მიმდინარეობდა. ჭეშმარიტების და სამართ, ლიანობის სიტყვა ვითარდებოდა, ზოგავდებოდა—მიდიოდა მრავლად და მედგრად... იგი ეძიებდა მას, რაც შეადგენდა მის წმინდა დანიშნულებას, მის მიზანს, მის შინაარსს...


ხალხით ივსებოდა მთელი სივრცე. ცხოვრება დიდი ხნის დაწყობილი იყო. მრავალი განვითარების ხანა გაიარა და მრავალი ფერი მიიღო ცხოვრებამ... წინ დარაჯად უდგა სიტყვა და აზრი... მიაქანებდა, მიუძღვოდა წინ, და მის წინამძღოლობით ცხოვრებაც სხვა-და-სხვაფერდებოდა, და სიკეთის და სამართლიანობის გზაზე შემდგარი... მედგრად ეძიებდა მას...

...და აი მიადის სიტყვა და აზრი!..

იგი ვითარცა უხილავი, იდუმალი ძალა,— მოქმედობს მთელ სამყაროზე, ძლიერია იგი. ყოველ გვარ ძალაზე უძლიერესია. მის წინ მუხლს იღრეკს ყოველი ცხოველი ამა ქვეყნისა!.. იგი ერთი ამოძრავებს მთელ ცხოვრებას, მთელ დედამიწას...

... იგი ძლიერია და სამართლიანი, რადგან მასში თვით ჭეშმარიტება და სამართლიანობაა!..

მაგრამ, ამოძრავდა მის წინააღმდეგ ბოროტი ძალა. ბოროტმა სულმა დაჰფარა გარემო. მის სულისთ გაიჟღენთა სივრცე. ბოროტი სული დაეპატ-



რონა ცხოვრებას... ცხოვრება უსამართლობის ატ-
მოსფერაში გაიხვა... გამეფდა ირგვლივ ბოროტი
და, მთელს სამყაროზე უკუღმართობამ და უსამარ-
თლობამ მოიკიდა ფეხი...

...მაგრამ არ გამქალა მაინც ჭეშმარიტი სი-
ტყვა!.. დიდ ბრძოლას და სამართლიანობის ცხოვ-
რების გზის კაფვას საჭიროებს მისი აზრი...

და აი მიდის, და იბრძვის!.. ძიელ ძნელია
მისი ბრძოლის ასპარეზი... მაგრამ იგი მაინც წინ
მიდის!..

გადის დრო, ცხოვრება მიმდინარეობს,— იგი
იკვლევს... მედგრად მიდის სიტყვა და აზრი თა-
ვის გზაზე. მძიმე, და იმავე დროს მკვიდრია მისი
თვითეული საფეხური. ერთი ნაბიჯიდან მეორე ნა-
ბიჯამდე მთელი საუკუნოები გადიან... მაგრამ მისი
კვალი ღრმად და სამარადისოდ აჩნდება ცხოვრე-
ბას. იგი იბრძვის! ბოროტი ძალა, სიბნელით და
უმეცრებით მოქმედობს... ირგვლივ სიბნელის
წყველიაღში ხვევს ყველაფერს... სპობს, სცდილობს
მოსპოს სამართლიანობის და თავისუფლების ხმა...
გაამეფოს სიბნელე და უმეცრება!

მაგრამ სიტყვა, სიტყვა სამართლიანობისა,
ჭეშმარიტი აზრი-გონიერება უდგია მას დარაჯათ.
იგი ნათელია, და ვით ბრწყინვალე მზის სხივი,
იმგვარად შეიჭრება ყოველ სიბნელით მოცულ
ცხოვრების სივრცეში,—გააშუქებს თავის სხივებს,
ახდის ფარდას ბოროტი ძალის სიბნელეს, მოიცავს
ირგვლივ სინათლე .. და გააღმასებული სამარ-
თლიანობისა და ჭეშმარიტებისაკენ მიილტვის, და
იწვევს ყოველ სულდგმულს...

მომხდარა ხშირად მისი დამარცხებაც... მას
სდევნიდნენ და სდევნიან... აწვალებდნენ და აწვა-
ლებენ... უხშობდნენ არსებობის ყოველ სახსარს...
მაგრამ ეს ყველაფერი ხელოვნურად ხდებოდა...
ეს დამარცხება დროებითი იყო, და არის... იგი
კვლავ სწორდებოდა, თვით ბუნებრივი ძალით
შეიარაღებული, კვლავ დევნილი ბოროტებისა და
სიბნელისაგან, მამაცად იბრძოდა... გააღმასებულ
სიტყვას და აზრს უყენებდა ყველას წინ, და
კვლავ ნათელი შუქი შეჰქონდა ცხოვრებაში.

გადიოდა მრავალი საუკუნენი. სიტყვა და
აზრი კვლავ შეუჩერებლივ იბრძოდა, მოძრაობდა,
ვითარდებოდა.

მას სდევნიან, მაგრამ იმავე დროს მის წინ
მუხლს იდრეკს ყოველი ცხოველი, ყოველი ძლიე-
რი... თვით უზენაესი ბუნებაც...

ჩვენი საზომი,—ქრისტეს დაბადებაა.
სიტყვა და აზრი კი მთელი თავისი გაჩენის
პირველი დღიდან, თავისი პირველი დღის არსებო-
ბიდან მოქმედებს.

იგი მოქმედებდა ქრისტეს დაბადებამდეც
და მის შემდეგაც.

უთვალავი საუკუნოებია მას აქვთ... იგი არ
დალილა, იგი მტკიცეთ ესწრაფვის თავის მიზანს.

იგი მოძრაობდა,—და ცხოვრებაც კვლავ
გრძელდებოდა. თვით იგი,—სიტყვა და გონიერე-
ბა, შეადგენს, ცხოვრების შინაარსს, მის აზრს...
თვით ცხოვრებას. .

იგი არ ისპობოდა, და ცხოვრებაც არ ჩერ-
დებოდა...

იგი არ მოსპობილა და ცხოვრებაც არ შეჩე-
რებულა. .

და აი მეორე ხანა,—ქრისტეს შემდეგი...
განვლო ათას ცხრაას შვიდმა წელმა... მრავალი
საუკუნეა... იგი მაინც დაუღალავათ მიდის
წინ, მიეშურება...

მას მრავალი საფეხურები აქვს კიდევ გასაე-
ლელი.

იგი ცოცხალია,—თვით „ცხოვრებაც ცოც-
ხლობს“...

იგი მოდის, იბრძვის, მაგრამ იმავე დროს იზ-
ყრობს მთელ სამყაროს,—და ნათელს ჰფენს მთელ
მიდამოს...

იგი ძლიერია, ნათელი და სამართლიანი, რად-
გან მასში,—თვით ჭეშმარიტება და სამართლიანო-
ბაა!..

იგი მიდის, და ახალ-ახალ ნაფეხურების ნა-
თელ კვალს სტოვებს...

სიტყვა, აზრი და გონიერება ვითარდება,—
და ცხოვრებაც ვითარდება.

იგი არ მოსპობილა ჯერ,—და ცხოვრებაც
არ შეჩერებულა,—იგი კვლავ გრძელდება!..
დიდებულია პირველი სიტყვა!..

იოს. ტასოშვილი.

გლახის სიზმარი

გლახკაცმა სთქვა: სახლში ვზივარ,
ვერვინ მოვა ჩემზედაო...
გავიხედე სერზედაო
„სტარშინა“ ზის ცხენზედაო,
წინ „სტრაჟნიკები“ მოუძღვის
დაგეშილი ჩემზედაო,
შემოცვიდენ უცბად სახლში,
თუმც გაუსხლტი განზედაო...
ერთმა „სტრაჟმა“ მათრახები
მომაცოლა გვერდზედაო,
გამწიეს და გამომწიეს
ტყავი მაძრეს ზურგზედაო...
ქალაქში რომ ჩამიყვანეს
მიმცეს ყაზახებზედაო,
უყურეთ ამ ხალხის მტრებსა,
რა ყოფა აქვთ ჩემზედაო!..

განცხადება ლანჩხუთიდან

ბ-ნო რედაქტორო! „ნიშადურში“ (№34) მოთავსებული წერილი ლანჩხუთიდან „ლანჩხუთის ავარას“ სათაურით ექვი დაბადა ზოგიერთ ამხანაგებში, ამიტომ საჭიროდ ვრაც განვაცხადო, რომ ხსენებული წერილი სავსებით შეეხებოდა ბ-ნ კ. შ. წილოსანს და არა სხვას ვისმე.

ხოშ-გელდი.

პროპინცია.

სოხუმი (აქაუჩა რამე-რუმე). აქაური „ბნელი საქმენი“ იქამდისინ წრეს გადავიდა, რომ 23 მარტს ქუთაისის დრ. გენ.-გუბერნატორი, გენ.-მაიორი სლავოჩინსკი ჩამოვიდა აქაური ამბების პირად განსახილველად.

იმაზე უფრო ადრე დაბრუნდა სოხუმს—ოლქის მმართველი თავადი ჯანდიერი და შეუდგა კიდევ თავის სამსახურის მოვალეობის აღსრულებასა.

ამბობენ, ახლო მომავალში, ჩვენი მხარის აღმინისტრაციაში ცვლილება მოხდება.

ქალაქის საბჭოს საქმეების რევიზია (თითქმის ორი თვე გაგრძელდა) დაამთავრეს ქუთაისის გუბერნატორისაგან გამოგზავნილ ორმა მოხელემ. მაგრამ არავითარი „ძალი“ არ გამოუჩნებიათ...

ჩვენის პოლიციის ინიციატივით, 20 მარტს დაარსდა ქალაქის („თავისუფალი“) ცხენოსანი დარაჯები. ჯერ-ჯერობით ოცი კაცისგან შემდგარია. ჯამაგირი თვითრათ დაენიშნათ ოც-და ცამეტი მანეთი, ცხენი და სხვა „საჭირო რამენი“—დარაჯებმა თავის ხარჯით უნდა შეიძინონ. დარაჯებში ყველა ერთსანი ერთენენ: ერთი სომეხი, სამი მეგრელი, სამი ბერძენი და დანარჩენი ადგილობრივი აფხაზებია. ამათ უფროსად დაინიშნა ბოქაულის სულ ახალგაზდა თანაშემწე, ნამყოფის ბოქაულისავე შვილი—ბარაბანოვი. დარაჯების ჯამაგირების თანხა შედგება მცხოვრებლებისგან „თავის ნებით“ გაწერილ ფულისაგან. „რაზმის“ სამსახური ექვსი თვეს გასტანს და შემდეგ კი დაითხოვენო, რადგან სწორედ ამ ხნის განმავლობაში აპირებენ მავნე პირებისგან ქალაქის გაწმენდასა და „მშვიდობიანობის“ დამყარებასა.

დასასრულ, რაზმის მოკლე ცხოვრობიდან ორი გასართობი შემთხვევასაც მოგახსენებთ:

წინა დღეს, მთელი რაზმი რომ ექაქანებული მიეშურებოდა კოდორისკენ, გზად შეხვედრიათ ვილაც „ბოსიაკი“. რაზმის უფროსს მოუთხოვნია „პასპორტი“ და უთქვამს, ხომ რამე „ამისთანა-იმისთანა“ არა გაქვს თანაო. მგზავრს მოწმობა უჩვენებია, მეტი არასფერი მაქვსო და თავის გზას გასდგომია. ამისთანა ცივი პასუხისათვის უფროს რამდენიმე

დარაჯი დაუდევნებია. კარგი „ობისკი“ მოუხდინეთო. მგზავრს დაუნახავს რა, რომ ვიღაცეები მოსულდევნენ, დაუწყვია ყვირილი: „ყარაუთი გეყარებენ! გამცარცვეს, მომეშველეთო... საქმე პოლიციისტერთან გათავდა. მგზავრს უამბნია ზემოდ აწერილი შემთხვევა და უთქვამს „გაცარცვასა“ (თურმე ორასი მანეთამდე ფული თან ჰქონია) მიპირებდნენო...

შემდეგ ამისა, ქალაქის მახლობლად, მოხსენებულ რაზმს „ალყა“ შემოურტყავს შეხვედრილ ეტლზე... შიგ მსხდომი მანდილოსნებს გული შემოპყრიათ დაუბატიყებელ „კავალერების“ დანახვაზე. ასე, რომ ბევრი შიში „გადაუყლაპავთ“ „დატუსალებულთ“, სანამ გაიგებდნენ საქმე რაში იყო.

იმ კვირია, შუა ღამეს გადაცილებული ყოფილა, რომ ადგილობრივ ღამის დარაჯს (არა „რაზმელს), ქალაქის განაპირად დაუნახავს ორი კამბეჩიანი ურემი თანბაქოთ დატვირთული. დარაჯს უკითხნია, ვისია თამბაქოვო. უცნობს დაუსახელებია ერი მეთუთუნე. დარაჯს ექვი შეუტანია. ატეხილა რევოლვერების ტაკა-ტაკში.


შემდეგ: თამბაქო ურემებით დარჩა „ბრძოლის ველზე“, ხოლო მეურმეები თავის კამეჩებთა გაქცეულან. არავინ დაქრილა. მეორე დღეს თამბაქო პატრონმა დაიბრუნა და ურემები-კი პოლიციაში დაამწყვდიეს. ვაჭარმა ყველა დარაჯები დასაჩუქრა ხუთ-ხუთ მანეთით. აგრეთვე პოლიციელებსაც ოც-და ხუთ მანეთამდე მისცა და ორი ურემის განაყიდი ფულიც მითი სასარგებლოდ გადასდო. მაგრამ... მაგრამ პოლიციის სამმართველოს ეზოდან, ერთს მთვარიან ღამეს ორივე ურემი უგზო-უკვლოდ განქრა. რასაკვრელია, ურემების „გაქცევისათვის“ ზოგიერთს ვირის აბანოში ამოაყოფინეს თავი...

სოხუმში ჩვენდა სამწუხაროდ, ჟურნილ-გაზეთების ყიდვა მოისპო. ნეტა ვინმე ღვთისნიერი გამოჩნებოდეს, რომ ამ საქმეს ჯეროვანს ნიადაგზე დააყენებდეს მცხოვრებთა მოთხოვნილების დასაკმაყოფილებლად და თავის ჯიბის სასარგებლოდაც.

25 მარტს საღამოს 7 საათზე, ახალ ათონის მხარეს, მეორე ვერსზე ვილაცას მოუკლავს იქაურივე მცხოვრები ქარცხია. საქმის გარემოება ასე ყოფილა: ერთს უცნობს, სახლის პატრონი (ქარცხნია) გარედ გამოუხმია—შენთან საქმე მაქვსო და როცა ქ. კარში გამოსულა, მეორეს „ბერდანის“ ცხელი ტყვია გულში მოუხვედრია და იქვე გაუშეშებია. მოკლული ცოლშვილიანი ყოფილა.

ამ დღეებში აქ მოვლიან „პალახს“, რომელმაც კითანავას მკვლელი უნდა ჩამოაღწოსო.

შავი—შვილი.



ბრძოლის მზადებაში.

h/ **მნი წერილი საიჩიოდან** (მეწიერი მეჯახე გავსავან მასთანა სეჯახას კაცთან). ძმაო N! შენს აქ მალე ნახვასა ჩვენს ტარტაროხსა ვსთხოვ. ჩემს აზბავს თუ იკითხავ, ძალიან მოწყენილი ვარ აქა. თქვენც მოგეხსენება, ახლად ჩამოსული ვარ და მანამ ხალხს გავიცნობდე დიახაც მომეწყინება. სულითა და გულით ველი შენს აქ ჩამოსვლას, მე-რე რაღა მომაწყენს. აქაურს აზბავს თუ იკითხავ, მოგახსენებ—აქ ძალიან ოხერი ხალხი ყოფილა. როგორც ჩამოვედი ჯოჯოხეთის სტანციაზე, დიდ-ძალი ხალხი დამხვდა და ერთბაშათ შემომძახეს: შენ იქა გვძულდი და აქ ვინ გამოგზავნაო. წარ-მოიდგინე ამათი უნამუსობა, იმის მაგიერ რომ ვისმე სამოთხეში დავებატიყე ჯოჯოხეთშიაც აღარ მისვენებენ. უბედურობა თუ გინდა, სწორედ ეს არის. ვაი ამათ ჭკუას, ალბად ვერ მიცნობენ... ცოტა დამაცადონ... ისეთი „დანოსი“ ვსტკიცო ტარტაროხს!! ღმერთმა უშველოს, ჩემი ჩამოსვლა გავგოთ თუ არა თავად-აზნაურობას მაშინვე მო-

მაშურეს; ვიფიქრე, მადლობა ღმერთს, ესენი მა-ინც დამპატიყებენ სამოთხეში მეთქი. მაგრამ რააა-ტიყების მაგიერ მომცვივდნენ და ფულების თხო-ვნა დიმიწყეს;—შენი ქირიმე ჩემო გიგო, ათი შაუ-რი აილე მანეთზე მოგება, ოღონდ ფული გვიწო-ნეო. ათი შაური მოგება რომ გავიგონე; მოვისვი ჯიბეზე ხელი და კინაღამ გულს შემომმეყარა; ფუ-ლები სულ მანდ დამრჩენოდა. შენ გეხვეწები წა-მომიღო ფულები. ბევრი ჩემი მოვალეც აქ ვნახე, თუმცა პირი იქით მიიბრუნეს, რომ დამინახეს, მა-რა მაინც ბევრი ვიცანი. აბა, დროისით მომაშვე-ლე ჩემი თამასუქები, მე ამათ ვაჩვენებ სეირსა! კ-ცო, მე რომ საქმე მომივიდა, იმისთანა თქვენს მტერს, ალბათ ახალი ჩამოსული რომ ვარ, სიხა-მით დამემართა. ჯოჯოხეთში რომ შემეყვანეს, იქ ფულების ჩხარუნი მომესმა, მივიხედე იქით და და-ვინახე—ერთ კაცს ქისა ეჭირა ხელში და ოქროს აჩხარუნებდა. მივედი და შევეხვეწე—თუ ძმა ხარ სანამ ფულები მომივიდეს მასესხე რამდენიმე თუ-მანი მეთქი, აგერ ჯოჯოხეთის სტანციაზე ხალხი დამხვდა და მანეთზე ათ შაურ მოგებას იძლევიან, შენც ისარგებლე და მეც მასარგებლე მეთქი. იმან მითხრა: ქარავანს ხომ არ დასცილებიხარო, ამ ფუ-ლებს როგორ მოვაკლებ, ეს ქისა და ფულები ისე მიჭირავს მას შემდეგ, რაც ქრისტე გავყიდეო. მ-შინ მივხვდი მხოლოდ, რომ იგი იუდა ისკარიოტე-ლი იყო. ეს საწყალი იუდა ძალიან სულელი ყო-ფილა. იმას რომ ჩემთვის ფული მოეცა, მოგებას ნახევარს იმას მივცემდი.

სხვათა შორის, ერთი დიდი მოხელეც ვნახე; დავეკითხე: შე დალოცვილო, ბარემ ოც დანოსზე მეტი მაქვს გამოგზავნილი ონელებზე—რევოლიუ-ციის დროს ზოგი რა საქმეში იყო გარეული და ზოგი რაში მეთქი. ასე მეგონა ონის საზოგადოე-ბას არხანგელსკში გადასახლებდი, მარა ყურად-ღება არ მიგიქცევიათ მეთქი. იმან მიპასუხა: რა უყო ჩემო, გიგო, ხომ ხედავ მეც ძალაუნებურათ აქ ამომაცოფინეს თავიო. კარგათ ვიცი ჩემს აქ გამოგზავრებას, რომ შეიტყობს ივანე ჯან—შვილი სასიკვდილოთ თავს აღარ დაიზოგავს და, თუ ღმერ-თი გწამთ, იარაღები მიუშალეთ თავი არ მოიკლასო. რომ წამოხვიდე ჩემი მეგობარი თან წამომგვარე და მერე მე ვიცი თქვენი პატივისცემა.

რაჭველი შურდული.

რედ.-გამომცემელი ვალერიან გუნია.